

Republika e Kosovës - Republika Kosova - Republic of Kosovo
Komuna e Gjakovës - Opština Djakovica - Municipality of Gjakova

ARKIVA DALËSE
IZLAZNE ARHIVE
OUTPUT ARCHIVES

Nr. Inv./Br. Inv. 01-463/01-11656
Nr. faqeje/Br. Str./No. Pg. 17508

Data/Datum/Date 21.11.2024

Gjakovë - Djakovica - Gjakova



REPUBLIKA E KOSOVËS
REPUBLIKA KOSOVA/ REPUBLIC OF KOSOVO
KOMUNA E GJAKOVËS
OPŠTINA DJAKOVICA/MUNICIPALITY OF GJAKOVA



Komisioni Vlerësues (i themeluar me vendimin e Kuvendit të Komunës së Gjakovës, me numër 01-463/01-11656 të datës 26.07.2024, duke u bazuar në nenin 8 paragrafi 1 pika 1.1 dhe nenin 15 të Ligjit Nr.06/L-092 për Dhënie në Shfrytëzim dhe Këmbimin e Pronës së Paluajtshme të Komunës, me qëllim të zbatimit të vendimit paraprak me numër 01-463/01-11658 të datës 26.07.2024, të miratuar nga Kuvendi Komunal për dhënie në shfrytëzim afatshkurtër të pronës komunale, në mbledhjen e mbajtur me datë 21.11.2024 merr vendim për rishpalljen e:

**NJOFTIM PËR ANKAND PUBLIK
PËR DHËNIEN NË SHFRYTËZIM AFATSHKURTËR TË PRONËS SË
PALUAJTSHME KOMUNALE - LOKALI "ARRA"**

Me të cilin ftohen të gjithë të interesuarit, që të shfrytëzojnë të drejtën e marrjes në shfrytëzim të pronës së paluajtshme komunale:

- I. **Prona e paluajtshme për dhënie në shfrytëzim gjendet:** në zonën kadastrale Gjakovë Qytet, e evidentuar me numër kadastral të ngastrës: P-70705029-00468-28, me sipërfaqe të parcelës prej 1110 m², së bashku me objektin – lokalit e quajtur "Arra" me numër të njësisë 468-26-600-0, me sipërfaqe të ndërtesës 169.93 m², që gjendet në Parkun e Madh të Qytetit.
- II. **Afati për dhënie në shfrytëzim të pronës:**
Afati për dhënie në shfrytëzim të pronës së paluajtshme komunale do të jetë afatshkurtër, deri në dhjetë (10) vite.
- III. **Qëllimi i dhënies në shfrytëzim afatshkurtër është:**
 - a) Funkcionalizimi i Lokalit;
 - b) Përfitimi ekonomik i komunës përmes qiradhënies, sipas destinimit të lejes ndërtimore për lokal afarist.

IV. Kushtet e veçanta:

- a) Çmimi fillestar për dhënien në shfrytëzim të pronës është **800€**, në emër të qirasë mujore;
- b) Përzgjidhet oferta me çmimin më të lartë të ofruar në ankand;
- c) Aktiviteti kryesor i biznesit në tri (3) vitet paraprake, duhet të jetë në fushën e gastronomisë;
- d) Ofertuesi duhet të ketë të punësuar së paku tre (3) punëtorë përveç pronarit;
- e) Qarkullimi bankar për tri (3) vitet paraprake duhet të jetë 30.000€;
- f) Në rast se në ankand ofrohen dy apo më tepër çmime më të larta dhe të njëjtat, atëherë përfituesi caktohet me short ndërmjet këtyre ofertave, në prani të tyre dhe të Komisionit Vlerësues.

V. Kushtet e përgjithshme të ankandit publik:

1. Ofertës duhet bashkangjitur këto dokumentacione:
 - a) **Certifikatën e regjistrimit të biznesit së bashku me informacionet mbi biznesin;**
 - b) **Vërtetimin e ATK-së mbi kryerjen e obligimeve tatimore;**
 - c) **Vërtetimin e tatimit në pronë (të pronarit të biznesit dhe në emër të biznesit, që nuk ka detyrime të papaguara);**
 - d) **Lista e punëtorëve për tri (3) vitet paraprake;**
 - e) **Qarkullimi bankar për tri (3) vitet paraprake;**
 - f) **Vërtetimi i taksës në firmë;**
 - g) **Dokumentë që nuk është i dënuar me vendim të formës së prerë (lëshuar nga Gjykata Themelore, për përfaqësuesin e biznesit dhe pronarin e biznesit jo më e vjetër se 6 muaj), si dhe**
 - h) **Vërtetimi i gjykatës kompetente që operatori ekonomik nuk është në falimentim, ose nën administrim të dhunshëm gjyqësor.**
2. Ofertuesit që nuk i bashkëngjisin të gjitha dokumentet e nevojshme, diskualifikohen dhe oferta e tyre nuk do të shqyrtohet fare.
3. **Vërejtje:** Më qëllim të gjithëpërfshirjes, ofertuesit kanë të drejtë të aplikojnë vetëm në njërin ankand publik për lokalet që gjenden në Parkun e Madh të Qytetit, për shkak se të gjithë lokalet gjenden në të njëjtën zonë. Në rast se një ofertues apo pronar i biznesit aplikon dy apo në më shumë ankande, ofertat e tyre diskualifikohet.
4. Shfrytëzimi i pronës mund të bëhet vetëm sipas destinimit të cilin e ka – lokal afarist.
5. Shfrytëzuesi i pronës obligohet që të mirëmbajë hapësirën gjelbëruese të shfrytëzuar, nuk i lejohet që të ndryshoj, të largojë apo të vendos drunjtë pa pëlqimin paraprak nga Komuna.
6. Shfrytëzuesi është i obliguar që të mirëmbajë tualetet publike, që do t'i shërbejnë qytetarëve të Komunës së Gjakovës.
7. Komuna për interes të përgjithshëm në zbatim të projekteve në prona publike rezervon të drejtën të realizojë punime pa u penguar nga shfrytëzuesi.

8. Pagesat dhe obligimet e të gjitha komunalive në pronën komunale barten tek shfrytëzuesi nga koha e nënshkrimit të kontratës.
9. Kohëzgjatja e shpalljes së ankandit publik për dhënie në shfrytëzim afatshkurtër të pronës është pesëmbëdhjetë (15) ditë nga dita e publikimit në ueb – faqe të Komunës dhe në vendet publike. **Ofertat** me dokumentacionin e plotësuar, duhet të dorëzohen të mbyllura (në pliko) në Komunën e Gjakovës, në Zyrën e Pranimi, kati përdhësë, adresa: rruga “UÇK”, Nr. 53, 50000 Gjakovë, nga data **22.11.2024** deri me datë **06.12.2024** në orën 15:00h dhe të protokollohen nga Komuna.
10. **Vendi dhe koha ku do të mbahet ankandit publik:** Objekti i Komunës së Gjakovës, Rruga “UÇK” (ish objekti i Bankosit), kati I, salla nr. 8 Kabineti i Kryetarit, me datën **09.12.2024** nga ora 10:00, do të bëhet hapja e ofertave të mbyllura dhe të njëjtat do të bëhen publike gjatë hapjes, duke siguruar qasje të drejtpërdrejtë për pjesëmarrësit në ankand publik.
11. **Të drejtat dhe përgjegjësitë e pjesëmarrësve në ankand publik:** Të informohen me procedurat e ankandit publik, të shohin pronën që jepet në shfrytëzim, të kenë qasje në dokumentacionet e pronës dhe të tërhiqen nga ankandit jo më vonë se tre (3) ditë para mbajtjes së ankandit publik.
12. Procedurat e ankandit mund të zhvillohen edhe në rastin kur paraqitet vetëm një ofertues me kusht që të jenë plotësuar të gjitha kriteret tjera të përcaktuara.
13. **Vlerësimi i ofertave dhe procedura e nënshkrimit të kontratës:** Komisioni Vlerësues brenda tre (3) ditë pune pas mbylljes së njoftimit publik, fton për hapjen e ankandit dhe vlerësimin e ofertave. Kryesuesi i komisionit pasi vërteton se nuk ka konflikt interesi nga ai dhe anëtarët e komisionit, në prani të ofertuesve, bën hapjen e ofertave ku identifikohen të gjitha çmimet e ofertuesve. Pas vlerësimit të ofertave në ankand publik, Komisioni vlerësues harton raportin përfundimtar dhe përzgjedh ofertën fituese. Pas miratimit të ofertës së përzgjedhur nga Komisioni vlerësues, njoftimi për ofertën e përzgjedhur i dërgohet fituesit dhe vendoset në tabelën e shpalljeve publike si dhe në ueb-faqen zyrtare të komunës.
14. Pala e pakënaqur me vlerësimin e komisionit, ka të drejtë të parashtojë ankesë pranë “Komisionit për ankesa” në afat prej shtatë (7) ditësh pas shpalljes së njoftimit në ueb – faqen e Komunës.
15. Kontrata për dhënie në shfrytëzim afatshkurtër të pronës së paluajtshme komunale, nënshkruhet nga Kryetari i Komunës dhe fituesi i zgjedhur, pas rekomandimit nga komisioni.



Ermira Mehmeti

Zy. Kryesuesë e Komisionit Vlerësues



Gjakov Qytet

00405-28

0075-0

N